

Na osnovu člana 72. Zakona o javnim nabavkama Bosne i Hercegovine („Službeni glasnik BiH“, br. 39/14), a nakon provedenog postupka nabavke putem konkurentskog zahtjeva u postupku javne nabavke roba- **Nabavka i ugradnja rasvjetnih tijela za iluminaciju Gradske tržnice Markale**, objavljenom na Portalu javnih nabavki broj: 281-7-1-62-3-2/18 dana 05.03.2018 godine, zaključen je

U G O V O R

Između:

1. **KJKP "Tržnice-pijace" d.o.o. Sarajevo**, ul. Mula Mustafe Bašeskije 4a Sarajevo, ID: 4200683020005, koga zastupa direktor Jasmin Terović (u daljem tekstu: Ugovorni organ)
i
2. **„ELECTRA“ d.o.o. Sarajevo**, ul. Porodica Ribar br.43 Sarajevo, ID:4200964200002, kojeg zastupa direktor Ajdin Buljubašić (u daljem tekstu: Dobavljač)

Član 1.

Ovim Ugovorom ugovorne strane su se sporazumjele da će Dobavljač izvršiti **isporuku i ugradnju rasvjetnih tijela za iluminaciju Gradske tržnice Markale**. Ugovor se zaključuje na osnovu provedenog konkurentskog zahtjeva, za dostavu ponuda objavljenog na Portalu javnih nabavki broj: 281-7-1-62-3-2/18 od 05.03.2018. godine.

Sastavni dio ovog Ugovora je prihvaćena Ponuda Dobavljača broj: 061/P12018 od 16.03.2018. godine, sačinjena prema specifikaciji iz Tenderske dokumentacije.

Član 2.

Ugovorene strane su se međusobno sporazumjele da će ugovorene robe isporučiti i plaćati prema utvrđenim jediničnim cijenama iz dostavljene ponude Dobavljača.

Jedinične cijene **rasvjetnih tijela za iluminaciju Gradske tržnice Markale** utvrđene su u ponudi Dobavljača u ukupnom iznosu od 29.464,64 KM bez PDV-a (slovima:dvadesetdevethiljadačetristotinešezdesetčetiri 64/100) odnosno 34.473,63 KM sa PDV-om (slovima:tridesetčetirihiljadečetiristotinesedamdesettri 63/100) i ne mogu se mijenjati u toku trajanja ovog ugovora, niti se mogu uzimati za razlog neisporuke i ugradnje **rasvjetnih tijela** prema ugovorenim uslovima.

Član 3.

Ugovor se zaključuje na period do finansijskog ispunjenja, ne duže od 45/četrdesetpet/ dana.

U slučaju da Dobavljač ne isporuči i neugradi **rasvjetna tijela** u roku utvrđenom u predhodnom stavu ovog člana, dužan je platiti penale po godišnjoj stopi od 12% za svaki dan kašnjenja izvan ugovornog roka isporuke. Osnovica je vrijednost neisporučene robe.

Član 4.

- (1) Dobavljač se obavezuje da će izvršiti isporuku i ugradnju predmetnih roba, u skladu sa iskazanim potrebama i zahtjevu od strane Ugovornog organa.
- (2) Dobavljač se obavezuje da će predmetnu robu dostaviti i ugraditi na adresu Ugovornog organa ul. Mula Mustafe Bašeskije 4a (Gradska tržnica Markale), Sarajevo
- (3) Dobavljač se obavezuje na garantni rok od 5/pet/ godina od momenta ugradnje **rasvjetnih tijela**.

Član 5.

Osnov za plaćanje isporučenih i ugrađenih roba jesu fakture/računi koje Dobavljač ispostavlja Ugovornom organu za uredno isporučenu robu i izvještaj o kvantitativno-kvalitativnog prijema od

strane Službe za razvoj i održavanje. Na ime isporučenih i ugrađenih roba Ugovorni organ je dužan izvršiti uplatu na žiro račun Dobavljača broj: 161 000 00471200 89 kod Raiffeisen BANK, i to u roku od 30 dana od datuma ispostavljanja fakture.

Član 6.

Ugovorni organ zadržava pravo da prilikom isporuke i ugradnje robe izvrši kvalitativni i kvantitativni pregled iste, na licu mjesta. Sva roba na kojoj se prilikom isporuke ili ugradnje ustanove bilo kakvi nedostaci ili odstupanja od zahtjeva Tenderske dokumentacije, na zahtjev Ugovornog organa, bit će od strane Dobavljača zamjenjena u roku od 3/tri/ dana.

Član 7.

Svi uslovi iz Tenderske dokumentacije broj: 09/18 od 28.02.2018. godine, čine sastavni dio Ugovora. Eventualne nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je Sud u Sarajevu.

Član 8.

Svaka od ugovornih strana može jednostrano raskinuti ovaj Ugovor, pismenim putem, uz otkazni rok od 30 (trideset) dana. Ugovor se može raskinuti i iz razloga propisanih Zakonom o obligacionim odnosima.

Član 9.

Ovaj Ugovor stupa na snagu danom potpisivanja obje ugovorne strane.

Član 10.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:

„ELECTRA“ d.o.o. Sarajevo

Direktor:

Ajdin Buljubašić

Broj: 094ELV/2018
Sarajevo, 10.04.2018. godine



13.04.2018.

UGOVRNI ORGAN:

KJKP "Tržnice pijace" d.o.o. Sarajevo

Direktor:

Jasmin Terović

Broj: 9-11/18
Sarajevo, 10.04.2018. godine



[Handwritten signatures and initials on the right margin]